

## **Digo - Achetu Maandiko - Wives Scriptures**

**AEfeso 5:22-24 Achetu nakuambirani hivi. Chila mchetu n'lazima asikize mlumewe, dza viratu amsikizavyo Bwana Jesu. 23 Mana mlume ni mfpwulu wa mchewe dza viratu Jesu arivyo mfpwulu wa atue, naye ndiye muokoli wao. 24 Phahi chila mchetu n'lazima asikize mlumewe kpwa rorosi, dza viratu afuasi a Jesu amsikizavyo.**

**AEfeso 5:31,33 Kama Maandiko gaambavyo, "Mlume andaricha ise na nine, agbwirane na mchewe, nao osi airi andakala dza mwiri mmwenga." 33 Phahi nakuambirani, chila mlume n'lazima amendze mchewe dza viratu adzimendzavyo mwenye, na chila mchetu naye n'lazima amuogophe mlumewe.**

**1 AKorintho 7:3-5 Mlume naatimizire mchewe mambo gosi ga ndowa, naye mchetu dza vivyo, atimizire mlumewe mambo ga ndowa. 4 Mana mwiri wa mchetu tautawalwa ni ye mwenye, ela unatawalwa ni mlumewe. Nao mwiri wa mlume tautawalwa ni ye mwenye, ela unatawalwa ni mchewe. 5 Msilafyane ela mkale mkakubaliana kudzizuwiya kpwa muda fulani kpwa sababu ya mavoyo. Alafu uyiranani ili Shetani asedze akakujezani kpwa sababu ya kukosa uwezo wa kudzizuwiya.**

**1 AKorintho 7:34 mana maazoge gaganyika mara mbiri. Lakini mchetu ambaye kadzangbwelólwa ama mwanamwali nkudzishugulisha na kazi ya Bwana ili aphahe kukala mtakatifu chimwiri na chiroho. Ela mchetu wa kulólwa nkudzishugulisha na mambo ga himu duniani, yani jinsi alondavyo kumfurahisha mlumewe.**

**AKolosai 3:18 Chila mchetu ariyelólwa n'lazima amsikize mlumewe, kpwa sababu hivyo ndivyo Bwana Jesu atakavyo.**

**1 Timothi 2:11-15 Wakati wa kufundzwa, achetu naasikize kpwa makini na akale apole. 12 Siruhusa mchetu kufundza alume wala asikale na mamlaka dzulu yao, ela ni akale zii. 13 Mana Mlungu kpwandza waumba Adamu, alafu ndiphlo Hawa. 14 Na Adamu kayachengbwa ni Shetani. Ela Hawa ndiye ariyechengbwa achikala mwenye dambi. 15 Lakini achetu andaokolwa kpwa kuvyala ana, bora aenderere kukuluphira, kumendza atu, kuishi chitakatifu na kudziishimu.**

**Mwanzo 3:16 - 1 Petero 3:1-6 Vivyo hivyo, mwi achetu mriolólwa ni msikize alume enu. Kpwa njira hiyo, hinyo ambao taalunga mafundzo ga Jesu, andahamirwa ni tabiya zenu za ishma na adabu, hata aweze**

**kumkubali Mluntu bila kuambirwa neno. 3 Msikale atu a kudzikpwatuwa kondze bahi, dza vira kusonga nyere, kuvwala zahabu na nguwo za gali, 4 ela unono wenu ni uandzire ndani, urembo usioweza kubanangika wala kutsakala amba ni kukala na moyo mnono na mpole. Huno ndio urembo urio na samani matsoni pha Mluntu. 5 Mana hiphoto kare achetu ariomuogopha Mluntu na kumkuluphira amanya kudzikpwatuwa kpwa tabiya ndzuri za kuogopha alume ao. 6 Mcchetu mmwenga ariyehenda hivi ni Sara mfpwaza Brahimu. Hiyu wamphundza mlumewe na kumuishimu, achimwiha "Mlume wangu". Phahi mwimwi namwi, ichikala mndahenda garigo sawa bila kuogopha rorosi, mndakala avi mu anae achetu.**

**Tito 2:1-5 Lakini uwe Tito fundza mafundzo ga kpeweli. 2 Aambire atumia kukala analondwa akale atu awezao kudzikanya, a ishma, na a chiasi. Naadinise kukuluphira, kumendza ayawao, na kuvumirira. 3 Vivyo hivyo aambire achetu avyere aishi maisha ga kumhamira Mluntu. Analondwa asikale afyakatsi au kukala atawalwa ni uchi. Tsona afundze mambo manono, 4 ili aweze kuaelekeza achetu ambao achere adide amendze alume ao na ana ao. 5 Piya aafundze hinyo achetu adide akale na chiasi na bila lawama, alole vinono mambo gao ga nyumbani, na asikize alume ao ili ujumbe wa Mluntu usedze ukazarauliwa.**

**1 AKorintho 11:5-7,10 Naye mchetu avoyaye ama kulavya unabii wakati atu akakutana kpwa mavoyo bila ya kudzifwinika chitswa, anaibisha chitswache, yani mlumewe. Mana hinyo ni waibu sawa na mchetu kunyolwa chitswa chizima. 6 Na ichikala kamendze kudzifwinika chitswa, baha anyolwe. Lakini ichikala ni waibu mchetu kuphunguzwa ama kunyolwa nyere, phahi naadzifwinike chitswa. 7 Kpwa mana mlume kafwaha kudzifwinika chitswa, mana ndiye mfwano na nguma ya Mluntu, lakini mchetu ni nguma ya mlume. 10 Kpwa hivyo mchetu ni adzifwinike chitswa kuonyesa kala a tsini ya mamlaka. Chisha ni ahende vivyo kpwa sababu ya malaika.**

**Mafumbo 12:4; 14:1; 19:13; 21:9,19; 25:24; & 27:15,16 - contentious & angry Achetu**

**Mafumbo 31:10-31 - The Virtuous Achetu**